

廣東通志

卷序  
一 目

內閣文庫			
函	冊	號	類
四六	六九二	三九六九	漢書
九			


內閣文庫			
冊	號	架	類
三	二	三	漢書
六	九	九	
九			

(七九號架)

內閣文庫	
番號	漢 3969
冊數	692 (497)
函號	291 97

五九七





廣東通志序

廣東古百粵地在唐虞  
時暨聲教顧立索煙  
莫稽至成周以降稍  
見載籍然上下數千  
年治亂離合之跡



廣東通志序

淺草文庫

廣東古百粵地在唐虞  
時暨聲教顧丘索堙坳  
莫稽至成周以降稍稍  
見載籍然上下數千餘  
年治亂離合之跡遍禪

無常與夫政治得失民心向背人物盛衰犁然區分不裛次成編非所以昭世鑑也先是督撫談君愷病舊志蕪舛惕然有感曰揚粵負嶺帶

海纍然小堪輿使文獻無徵可乎謀之巡察徐君仲楫議叶敦請宮詹黃君佐纂脩各因代至未觀厥成會烏程潘君季馴繼巡其地至則歎

曰是豈可已耶復與督  
撫王君鈞鄭君綱前後  
甲議殫心博采日與黃  
君釐正黃君昔為史官  
素稱直筆迺取舊志芟  
穢正訛補其缺漏為圖

經為事紀為表為志為  
列傳為外志凡七十卷  
首本事原末復隨事發  
明鑿鑿可底于行志成  
蔡君結代巡復重校之  
夫以一省盛典更數賢

始成於斯是知天欲以斯  
文賁廣人也使經世者  
披閱而諦究之則知羅  
浮為衡嶽佐命南海當  
星紀分野固天實作之  
以開奇甸其間若秦夫

屠睢漢之吳晉覆  
於郭盧隋唐困於馮劉  
與夫崖山之變宋社遂  
屋豈其無以致之乎由  
督撫而下莫非天子  
吏居其位而思其職觀

運甕之烈易瓦之澤尺  
何等規模與夫樹德揚  
芬俎豆相望孰非前事  
之師乎是故知昌黎濂  
溪所以正學術必不襲  
禪語侮聖言知羅弘衛

颯所以明禮教必不習  
悍鬪崇攻訕知吳隱之  
所以革奢侈必不資捲  
握矜夸毗知鑿禹雄越  
雉則不至如寶元遇警  
裸露矣知作亭表十賢



則不至侈高臺為霸圖  
矣知捐帶助東新橋則  
不至橫濫遺何公之憂  
矣知奏減月給錢則不  
至以良口餉遺販易矣  
知節用貸逋負則不至

增賦七倍於唐矣知疏  
請罷荔枝則不至以珠  
易米以香易農矣知興  
利開靈塘則不為漁蠶  
而辦課矣知建言免括  
屯則不至抑勒取盈矣

知摧鹽禁增額則不至  
併餘銀困貧竄矣知開  
寶賑恤粵人則不至遺  
焚獨干天和矣知韶石  
獨隆祀典則不至舉非  
族求淫福矣知羊城置

七校樓船則不至眇狼  
豕弛兵防矣至於溪洞  
阻逖與猺獞俚獠諸種  
類相雜豨縱豕突不易  
撲滅重以海寇島倭時  
乘濤出入為患欲使佩

犢之氓安耕田畝豈無  
萬世之長策矣乎矧

今上向明治天下右文復古  
百度惟新故陽德所被  
雖蕉阜枕林之鄉弦誦  
相聞登名齒中土而曲

江菊坡足以啓後人攀  
駕執鞭之願他若堂曰  
思古臺曰九成亭曰還  
珠樓曰鐵漢軒曰遺履  
其人雖逝其垂輝不磨  
而行宮船澳炳炳猶有

正氣彼昌華示雄為民  
蠱賊惟有浮埃而已不  
足為永戒矣乎夫人之  
脩容以窺鑑也雖躁且  
惰者瞿瞿思正其衣冠  
今往跡具載善惡截然

誠為良工苦心鑄鑑由  
之師善而齊思惡而改  
恢弘名教培植世運其  
為鑑照也不其溥歟是  
舉也撫按諸君表正於  
上藩司劉君廷誥馮君

覲劉君慤袁君應樞馮  
君臯謨臬司熊君遠張  
君子弘賀君鏤鄭君維  
誠宋君大武王君學李  
君伸皇甫君渙王君學  
顏並相其成是皆目本

無翳因以對影匪為文  
具已也辛酉仲夏潘君  
還

朝以志造請序其端予本  
諸君子所以樹風教者  
次其顛末庶後有作者

求所以鑑之斯善矣

嘉靖四十年

賜同進士出身資政大夫

食一品俸工部尚書前

都察院右都御史豐城

雷禮撰

清室

雷禮

雷禮

廣東通志序

吾廣十邦各自為志人  
會而通之者仁居蓋備  
一方文獻以牖民彝而  
迪我

聖明之率典也  
音唐虞聲

教暨南交之日久矣  
理于周作鎮于南武  
紀于漢先賢傳于吳記  
志圖經于晉唐之  
間文獻非不足也然不  
會而通之則統之無宗

紛員嵬瑣甚或略鉅而  
詳小遺古而粹今無乃  
草澤之私言與欽惟  
太祖高皇帝之有天下也稽  
古立政首命儒臣倣周  
禮建邦圖數與張弛貢



廣東通志  
賦為洪武志志繫以紀  
年者示繼述貽萬世也  
天順初元

英廟始成一統志惟識其大  
者而吾廣與焉然成化  
以後所增諸縣猶未之

登載也嘉靖乙未侍御  
四明戴公璟乃纂通志  
成於倉猝命曰初稿意  
將有待云丁巳少司馬  
督府毘陵談公愷覽而  
少之檄我藩司聘予俾

重加蒐輯予病謝不能  
也代以奉化王公鈞禮  
請益敦會侍御姑蘇徐  
公仲楫至枉顧衡門稽  
首再拜以請予業已納  
還聘幣力謝固辭公請

愈虔至于再三而幣復  
重拜不獲終辭乃於仲  
冬開局于貢院左轄新  
建魏公良貴大叅莆田  
張公英新建吳公桂芳  
主謙臬閩諸公則陪位

焉時少叅錢塘陳公善  
溫陵田公楊職守在外  
寔與聞之前期有司咨  
者舊索經籍至是告備  
而所徵鄉貢進士陳紹  
文黎民表梁紹曾及予

中子在素皆集予乃發  
凡舉例歸諸廣郡太守  
會稽陶君大有達于有  
位僉以為韙然州縣續  
志積至百餘方博求往  
古以補事之鉅而略者

不遑及也郡檄復徵庠  
生多辭不至越明春至  
者惟曾元曾黃萬春陳  
冕歐大任林喬黎民懷  
梁有兆而予長子在中  
與焉人各分彙表不踰

三凡四閱月而竣事予  
每夕歸病於憊則令少  
子在宏釐次之惟碑碣  
詩文交互鼎來視之快  
焉莫能鑿也諗于魏公  
曰焉有綜貫百家能裁

揄菁華者乎曰顧提舉  
起經其選也乃召顧君  
以監膳至局刪節分註  
已於事而竣歷代題名  
前脫後闕考之茫焉莫  
能補也諗于陶君曰焉

有閱覽載牒能研覈古  
今者乎曰陳縣丞達其  
選也乃召陳君以供餼  
至局參伍傳記已於事  
而竣於是草創編為七  
十卷會紹曾北上惟留

陳黎二生討論脩飾然  
題辭論贊猶謙讓未遑  
予則總之顧所紀錄悉  
確有據惟潤色而已何  
者千鈞之重加以錙銖  
則移萬里之流祛其蕭

葦則駛予奚容心於其  
間哉第性本疎愚言且  
耄拙幽痲頻作載筆殊  
艱每欲已之適王公擢  
憲留臺代以莆田鄭公  
綱亟令有司贊成其事

而侍御歸安潘公季馴  
尤惓惓注意遂鑿諸梓  
仍檄學諭陳君其箴劉  
君裁康君日章次第刊  
雙言會潘公以交代去左  
轄姑蘇楊公伊二大叅

豫章徐公南金皆以遷  
去而右轄豐城雷公賀  
大叅萬安劉公慈少叅  
盱江袁公應樞海鹽馮  
公臯謨僉以校完遂貯  
諸庫以俟代

唐書通志 卷九  
巡侍御漢陽蔡公結左轄  
福清翁公世經偕至而  
後頒行焉凡三歷寒暑  
而後成蓋事事不敢苟  
故也予乃拜手颺言曰  
猗乎一方文獻庶其猶

備矣哉惟

皇上帝降衷于下民有恒性  
焉日用由之而不知則  
寢以澆訛匪獻敷厥政  
化將泯泯焚焚于何其  
又惟后王君公降德于



兆民有成憲焉承以大  
天師長而罔所鑒觀則  
易以愆忘匪文緝厥訓  
典將敗制越軌于何其  
率是故善思治者厚其  
生殖均其地征以綏之

阜其財求利其器用以  
富之茂正其德節邁其  
性以教之而又輕繇少  
事以振其急約法省刑  
以持其後使之務利而  
避害懷仁而畏威此輔

世之大經也然猶時遣  
皇華之使訊謀詢度慶  
賀其福事賻補其札喪  
賙委其凶荒橐禮其師  
後哀吊其禍裁凡此五  
物者治其事故及其利

害為一書其禮俗政事  
教治刑禁之逆順為一  
書其悖逆暴亂作慝猶  
犯令者與夫因喪荒而  
厄貧及康樂和親安平  
者又各為一書為外史

合為四方之志掌其成  
書稽之政令以保天下  
元元畏天命而憫人窮  
故也是則會而通之者  
其來尚矣遵我

太祖作志之初猷其諸周禮

是宗乎故大司徒掌地  
域廣輪之數令遂人造  
縣鄙形體之法形方正  
其華離司書括其圖記  
量人分其涂數保章辨  
其星野用是土訓掌道

地圖以詔地事誦訓掌  
道方志以詔觀事如指  
諸掌矣始總一方中列  
十郡而終以羅浮南海  
者粵之望也是皆志之  
管也故首圖經訓方氏

掌道政事與其上下之  
志傳而誦之乃為編年  
自周訖于正德道今眎  
昔鑑戒炯矣其猶資治  
之史乎故次之以事紀  
太宰施典于邦國以治

地圖以詔地事誦訓掌  
道方志以詔觀事如指  
諸掌矣始總一方中列  
十郡而終以羅浮南海  
者粵之望也是皆志之  
管也故首圖經訓方氏

掌道政事與其上下之  
志傳而誦之乃為編年  
自周訖于正德迨今眎  
昔鑑戒炯矣其猶資治  
之史乎故次之以事紀  
太宰施典于邦國以治

官府邦則牧監州縣國  
則封建諸侯官則用人  
府則理財後世不能易  
也我

朝揆文教奮武衛設方伯  
連帥監夏殷而損益之

猶夫周也書其姓名邑  
里作職官表大司徒以  
三物賓興必先德行今  
也藝焉而已然猶  
馳恩以勸孝焉作選舉表  
國有仁賢則職方之圖

土地人民政事賴之矣  
由是庠序之教始于釋  
奠鄉射既于大宗伯五  
禮皆可舉也凡大合樂  
必遂養老肄絃歌施英  
韶以協大師律同皆可

奏也禮樂明備則文章  
煥然可述故凡書掌於  
外史者達于四方摛之  
罔極而琬琰昭焉作五  
志乃若攷德行察道藝  
鄉大夫以興賢能者內

史因之脩諸家母有壞  
於廷者其馭敘一而已  
矣故名宦有聲茲土人  
物罔玷厥躬者與夫流  
寓之進退列女之貞烈  
皆核實作列傳而異教

諸夷祥青神怪則為外  
志終焉猗乎蒐之弗精  
輯之弗詳是謂揃備寔  
予之罪也夫抑又嘗竊  
聞之尚書大傳南交宅  
于荆揚裔土非至秦漢



而後通中國也證以水  
經註則陶水之渚有堯  
行宮而舜奏九成于韶  
后述聞雖若不可究詰  
然羲叔平秩夏伯貢樂  
蹟其在茲與周公之懲

荆舒也蠻揚之翟得與  
王會孔子作春秋有鐸  
氏微而高固相楚傳其  
書于服嶺故海濱稱鄴  
魯寔秦漢之先也獨嘒  
夫屯門放洋蔥嶺倭奴

之間猥行天竺之教斷  
髮偏袒不過裸國之雄  
爾中華道污妖氣召之  
於是達磨駐廣以楞伽  
印心盧能居韶以壇經  
傳法非無言語文字也

宋人王安石蘇轍輩靡  
然歸之喜其頓悟超脫  
自見本性出乎六籍之  
外吾人染焉自是堯舜  
周孔之道馴而不純矣  
其流至於束書不觀浮

談無根政治弗彊禍且  
逮國厓山之敗蓋可睹  
也元品南人寘儒於娼  
丐之間而尊西僧為帝  
師演媒悖淫典禮盡滅  
書曰不虞天性不迪率

典殆胡元之謂與我

太祖驅除元亂申明五常論  
道化之本惟師堯舜精  
一執中設官分職以為  
民極則行周公之法度  
治世良規復誦孔子節

愛之言而師法之然則  
將欲正風俗得賢才俾  
民一變至道誠無以易  
此矣當是時敗倫之誅  
榜示天下而吾廣夫婦  
之愚不肖無一犯者薦

紳先生又多博學反約  
行道濟時之英然顓復  
相謾談禪而侮聖學者  
間亦有之觀於外志則  
八蠻以天竺為禍首設  
使人盡脩禪從事於涅



居身遠志

存

三

廣東通志

序

七

樂示寂則生靈何辜而  
自掇焚如之僂乎古之  
邁種德以式今者至明  
也而自昧之天之降葆  
命以牖民者至善也而  
自棄之翩其反而吾道

自足毋以旁求為也誦  
法聖人之言而內省其  
私恒與德性相感發則  
典禮之敘秩於天者由  
衷而出尊親等殺動皆  
中節名教樂地薰為太

和

上帝降之百祥

皇極嚮用五福周禮慶賀之  
事當滋至矣書曰其稽  
我古人之德矧曰其有  
能稽謀自天殆

今日之謂與夫仁者擇善  
以裨身知者備禍於未  
形邇來夷寇交侵誰不  
思禦其書召禍奈何惑  
之是故民之志於趨福  
也猶赴冬日之陽夏日

之陰也禁胡書以端其  
習遵成憲以厚其生則  
民志定而妖氛熄矣是  
編也採擷頗繁舊志百  
僅存一大類皇華分彙  
而合成之雖無甚高論

然愚者一得於輔世福  
民之道獨諄切焉其事  
則粵其文則史其義則  
通天下之志苟潤澤而  
時措之豈但備一方文  
獻而已哉於戲豈但備

一方文獻而已哉

嘉靖三十有九年歲次

庚申季冬吉旦

賜進士出身中順大夫詹

事府少詹事兼翰林院


侍讀學士前南京國子

祭酒

經筵講官同脩

國史

王牒香山黃佐謹序





廣東通志凡例

一通志循列國之史孟子曰諸侯之寶三土地人民政事程子曰治天下以正風俗得賢才為本此脩志之大要也大書以敘事務簡而盡分註以載言務核而詳法綱目也凡大書及分註每遇 本朝惟空一字者倣古金石例也孟程二子所言者關係最大必大書之詩文悉分註於其下

一志首圖經者周官圖以詔地事志以詔觀事古之制也先民陳氏大震曰韓愈與張韶州有願借圖經將入界之詩又張籍送鄭尚書亦有嶺南封管

送圖經之句然則百越之有圖經自唐已然矣圖於前而括其要於後者凡以便經畧也舊通志沿革氣候形勝疆域別自為類今皆纂而附之先一省而後十郡皆舉其要領

一事紀者事有興革而後政有臧否政有臧否而後人有從違人有從違而後休咎應休咎見乎天而後治亂斯終成矣故凡建置因革之詳與治亂祥異之由皆循歷代次序以迄于今舊志所書北魏廣州刺史南涼嶺南五郡與東筦之在齊地者謬妄不可勝紀今皆刪去蓋南北朝角立爭雄各有

僑寓州縣故南有充豫而北亦有交廣各治流人以自傍大南涼乃五胡之在甘肅者嶺南五郡謂洪池嶺南非大庾也齊之東莞從草吾廣之東筦從竹觀一統志則分辨明矣彼不詳考故爾

一職官選舉繁而難紀故皆為表表明也表著之則易明法史記也惠高等郡舊皆缺前代題名近楊

吏部

載鳴

為惠州新志博采群書以補之可謂佳

史今依其法舊通志有黃朝奉李朝請之類乃散階爾皆誤以為名其書刺史混亂者唐初廉州在燕今真定府藁城縣而廣之廉州乃唐合浦也萬

州在蜀今夔州府萬縣而廣之萬州乃唐萬安州也其科貢武舉內據譜牒脩入者多晚宋彌文名目如士子稱解元舉子稱省元學究稱學士甲長稱太尉之類及新會新志內許炯書其父教諭許相為茶陵縣知縣而不知茶陵乃州也似此謬妄不可枚舉今悉改正

一輿地志首山川每郡邑註名山大川以為望者法禹貢也每山水必里其遠近者法山海經也次城池者以見郡縣之所以立故詳書之坊都宮室臺榭關梁陵墓古蹟亦皆輿地之所必有者皆視重

輕以為詳略

一民物志先風俗姓氏戶口田賦糧餉徭役而後土產墟市珠池礦冶者詳食貨法洪範也次水利屯田鹽法以及預備郵典者仁民重於愛物也

一政事志首公署者政事之所自出也次壇廟兵防者國之大事在祀與戎也無政事則財用不足非置郵則政令不達故倉廩驛傳輔合終焉

一禮樂志首學校者禮樂教化之所自出也附以社學者教養之豫也國禮鄉禮終以弦歌者禮先而樂後也舊通志鹿鳴宴歌詩原無律呂今悉補入

一藝文志惟書著述篇目其有關係者分註序文以紀判行之由舊志惟錄詩文雜著今已分註各類之下故止記書目以經史爲次序法前史也至於金石碑刻亦擇其有關係者詳載之

一列傳先名宦次流寓次人物次列女皆書其已沒者法一統志也核實則據歷代史書及本朝實錄爲主然後採及他省郡縣諸志諸家文集而譜牒附會者不與焉名宦必載在人物人物必載在名宦然後書之流寓亦惟書其關係之大者徙謫瑣屑惟書于事紀他若忠義孝友卓行皆不分類

各務核實列于人物傳亦一統志例也凡父子兄弟裔孫之屬有可稱述者依史書法皆相聯如名宦參政陳員韜子布政使選之類事蹟相涉亦相聯如流寓虞翻父子後有樓玄之類人物倣此一外志首仙釋寺觀者以其爲名教之外也次詳書夷情者依廣西通志例也然分蕃夷海寇徭獞峒獠俚戶雜蠻爲三卷者則因舊通志各從其類也終以雜事者凡周禮所謂地厯方厯與裨官小說神恠伎藝考證同異得失及有事相干涉不可類附者皆畧節書之惟變異關係最大者乃詳書

一叙事之法要在刪潤亦依廣西通志皆加脩飾凡分註詩文有全取者有節取者有篇刪其句者有句刪其字者貴傳遠也

一叙十府次第首嶺南則廣州韶州南雄次嶺東則惠州潮州次嶺西則肇慶高州次海北則廉州雷州而海南瓊州終焉亦遵一統志也

廣東通志目錄

圖經二卷

事紀五卷

表五卷

志三十一卷

列傳二十卷

外志七卷

第一卷

圖經上

第二卷

圖經下

第三卷

事紀一

周 秦 漢 吳

第四卷

事紀二

晉 南朝 隋

第五卷

事紀三

唐 五季

第六卷

事紀四

宋 元

第七卷

事紀五

本朝

第八卷

職官表上

第九卷

職官表中

第十卷

職官表下

第十一卷

選舉表上

第十二卷

選舉表下

第十三卷

輿地志一

山川上

第十四卷

輿地志二

山川下

第十五卷

輿地志三

城池 坊都

第十六卷

輿地志四

宮室 臺榭

第十七卷

輿地志五

關梁 津渡

第十八卷

輿地志六

陵墓

第十九卷

輿地志七

古蹟

第二十卷

民物志一

風俗 姓氏

第二十一卷

民物志二

戶口 田賦

第二十二卷

民物志三

糧餉

徭役

第二十三卷

民物志四

土產上

第二十四卷

民物志五

土產下

第二十五卷

民物志六

虛市

珠池

礦冶

第二十六卷

民物志七

水利

屯田

鹽法

第二十七卷

民物志八

預備

郵政

第二十八卷

政事志一

公署上

第二十九卷

政事志二

公署下

第三十卷

政事志三

壇廟

第三十一卷

政事志四

兵防一

戰船

軍制

官馬

第三十二卷



政事志五 兵防二 軍器 弓兵 民壯

第三十三卷 政事志六 兵防三 軍餉 營堡 教場

第三十四卷 政事志七 兵防四 比式 優給 上規

第三十五卷 政事志八 倉廩 驛傳 舖舍

第三十六卷 禮樂志一 學校上

第三十七卷 禮樂志二 學校下 社學

第三十八卷 禮樂志三 書院

第三十九卷 禮樂志四 國禮

第四十卷 禮樂志五 鄉禮

第四十一卷 禮樂志六 絃歌

第四十二卷

藝文志上

經目 史目 子目 集目

第四十三卷

藝文志下

碑刻

第四十四卷

列傳一

名宦一 秦 漢 吳 晉

第四十五卷

列傳二

名宦二 南朝 隋

第四十六卷

列傳三

名宦三 唐 五季

第四十七卷

列傳四

名宦四 宋上

第四十八卷

列傳五

名宦五 宋下 元

第四十九卷

列傳六

名宦六 本朝上

第五十卷

列傳七

名宦七 本朝下

第五十一卷

列傳八

流寓上

第五十二卷

列傳九

流寓中

第五十三卷

列傳十

流寓下

第五十四卷

列傳十一

人物一

周 秦 漢 吳  
晉 南朝

第五十五卷

列傳十二

人物二

隋 唐 五季

第五十六卷

列傳十三

人物三

宋上

第五十七卷

列傳十四

人物四

宋中

第五十八卷

列傳十五

人物五

宋下 元

第五十九卷

列傳十六

人物六

本朝一

第六十卷

列傳十七

人物七

本朝二

第六十一卷

列傳十八

人物八

本朝三

第六十二卷

列傳十九

人物九

本朝四

第六十三卷

列傳二十

列女

第六十四卷

外志一

仙釋

第六十五卷

外志二

寺觀

第六十六卷

外志三

夷情上

蕃夷

海寇

第六十七卷

外志四

夷情中

徭獠

峒瘴

第六十八卷

外志五

夷情下

俚戶

雜蠻

第六十九卷

外志六

雜事上

第七十卷

外志七

雜事下

廣東通志目錄畢

廣東通志

目錄

六

廣東通志卷第一

圖經上

周官輿地必有圖以知險阻掌於土訓圖必有志以知地俗掌於誦訓吾廣爲百粵網維安可闕諸瓊臺丘氏曰天下之山皆起於西北突起而爲嶺天下之川皆委於東南滄涵以爲海廣南居嶺海之間纍然小堪輿也朱子謂天旋地轉閩浙反爲天地之中則百越其齊魯與白沙陳氏曰星臨雲應此語非謬由是觀之上能齊魯其民民一變至於道則圖經之作夫豈直爲險阻地俗而設者哉

縣豐信府州贛至北 東北至江西安義



縣界千四百重 東至福建漳州府澄浦縣界千二百二十五里 東南到惠州府海

豐縣治到大洋海 南 化星至外縣上

界一千里三百二十里 西北到大庾嶺界



一千三百二十里 西至廣西梧州府蒼梧縣界七百五十里 西南到交趾界

嶺界二千八百四十里 數里計難洋大至俱

廣東總圖經

廣東與圖唐虞三代時在揚州之外境之南裔

周顯王三十五年楚敗越越遂散微其分處江

南海上臣服於楚謂之百粵又曰揚粵揚州海惟

海揚州之外境也博物志南越之國與楚為鄰五嶺

已前至于南海負海之邦交趾之土謂之南裔越經

書夏后禹到大越上岳山大會計爵有德封有功更

名苗山曰會稽至少康封庶子無餘於會稽以奉守

禹祀文身斷髮披草萊而色馬至周職方氏嘗天下

之圖東南曰揚州其山鎮曰會稽會稽以南皆越地

也無餘後二十餘世至允與吳王闔閭戰春秋定

八年書於越入吳杜預於發語聲也允常子勾

允滅吳稱王徙都瑯琊其地廣運百里勾踐傳六

世疆周顯王時代楚楚威王立或天官

山東武城以此散諸族子立或天官

君流南海上服於

月五星起揚粵斗牛之次連貫營室故分野包青齋

而接鄒魯一統志天文近楚則為翼軫連州桂陽以

野尚書大傳堯撫交趾於禹貢荆星紀鶉尾實負南

州之南垂故楚越裔土實相交錯

海唐大文志星紀為斗牛鶉尾為翼軫故南海地蕪

四海言皆近海海故少陰多陽物恒榮茂皆由山澤

之言晦昏無所睹漢書揚粵之地少陰多陽楚辭嘉南

蒸燠仁氣流通州之炎德麗桂樹之冬榮韓愈詩大

哉陽德盛榮茂恒留春蓋由澤海炎五嶺發自衡岳

蒸山嶺流潤以成東南之仁氣也

其下三江分流同入于海五嶺自北徂南入越之道

之南東窮于海一山之限爾而起起伏伏相聯別標一曰

其名則有五焉三江者自北而南合東西入海一曰

大庾輿地志占名塞上嶺其西南瀆水出焉南流與

肄水合是曰南江水經滇水逕滇陽縣而右注秦水

山海經以秦水為肄水蓋龍山出樂昌秦水既入復與

瀧同出如木丹生故名漢樓船將軍楊僕出豫章下

即此龍川之水東來合之是曰東江水出贛州安遠

羅縣入廣州晉劉裕遣孫處洸海襲番禺二曰騎田

破盧循巢穴至東衝去城十餘里即此

在柳州城南三十六里即黃岑山其支曰臘嶺接于

韶州乳源縣北是為楚越之關與諸嶺連屬橫絕南

比氣候寒燠殊其北湟水出焉東南流出涯浦為

臘嶺臘又為摺

桂水逕連州城東而匯水經匯水出桂陽縣盧聚南

出貞女峽合涯水為湟水漢伏波將軍路博德出桂

故山海經以涯水為湟水

陽下湟三日都龐亦名末明嶺西南連荆峽其西鐘

水即此

水出焉東流合于南江

入鐘水即嶠水也南

始興與滇水合四曰忙渚

一名萌諸嶺以旁有白上又名白芒嶺在道州江華

縣南與賀縣相連賀縣東一里曰臨賀嶺乃其支山

其南臨賀二水出焉南流至于封川為封溪水與桂

繡二水合抵于番禺是曰西江

注于鬱水謂之封溪水也鬱水又東逕高要縣

牢水注之桂水出桂林繡水出高州合于梧州城南

大江東流抵番禺入海俗呼西水自漢唐蒙道西北

江咸會番禺即此南越自巴蜀發夜郎兵下詳荆

船棧名詳荆東至鬱林邕州宣化縣為鬱水南流入

交趾界輿地廣記云

五曰臨源

即始安越城嶠也史

在桂林興安縣故亦曰桂嶺

其南灘水出焉其北湘

水出焉南流合于南江

興安縣南九十里陽海山

下有巖水源廣不盈尺流五

里分而為二南為灘水又名桂江北為湘水今始安

嶠水至全州又合洮灌二水皆南流至于廣州大江

一

一

一

一

一

一

一

一

一

一

一



秦始皇二十四年滅楚遣王翦略取揚粵猶陸梁不  
服三十四年始平之以其地為三郡南海桂負山險

阻南北數千里漢書南置南海郡尉以典之是時越

叢薄南海郡尉徙天下吏民罪謫者南戍五嶺秦末

趙佗遂王其地漢因封之元鼎五年平南越置南海

合浦蒼梧桂林鬱林交趾九真七郡交廣春秋交趾

南武侯織故元封初又略得南海中大州方千里置

儋耳珠崖二郡後兼置交趾部刺史領九郡治羸樓

春秋元豐五年自羸樓縣是時人文日盛衣冠禮樂

遂齒中州建安八年改為交州十五年徙治南海在

今城南五十里舊番禺縣治二十二年始於尉佗越

故都築立城郭綏和百粵民用寧集三國吳分置廣

州漢書地理志近海多犀角玳瑁珠璣銀銅布果之

湊中國往商賈者多取富焉番禺其一都會也八

年增置交州牧尋罷之十五年徙治南海十八年復

禹貢九州以州屬荊州三國時地屬吳吳復置交州

黃武五年治龍編分合浦以北自此交州徙治龍編

南海蒼梧鬱林三郡置廣州今安

晉平吳後西南二江各置督護宋齊因之梁復

置東江督護陳因之南齊志廣州鎮南海濱際海隅

猥雜皆棲居山險不肯賓服西南二江川源深遠別

置督護專征討之任梁陳復置督護於東江以防海

道衛州城然梁用陳霸先滅交趾平侯景隋開皇十

年平陳置廣州總管治大庾二十年仍治南海唐貞

觀初屬嶺南道後為嶺南五府節度使五管經畧使

治所廣桂容邕咸通中分為嶺南東道分蒼梧以乾

寧二年陞為清海軍節度五季初為南漢僭據宋開

寶四年平南漢置廣南東路經畧安撫司以廣州守

臣兼領又置提點刑元置廣東道宣慰司及肅政廉

訪司於廣州又置海北海南道宣慰司及肅政國朝

改置廣東等處承宣布政使司領廣州廣東等處提

刑按察司分嶺南等五道廣東都指揮使司領廣州

右廣州前廣州後海南廣海清遠惠州碣石肇慶雷

州南海神電潮州廉州十五衛增城新會新興陽江

德慶韶州南雄並治廣州府其北三百五里曰韶州

府東北一百五十里曰南雄府是為嶺南道由雄連

荆吳出星子巡司即達湖廣踰嶺而北其東二百二

十里曰惠州府又東六百五十里曰潮州府是為嶺

東道由惠州可以制閩踰潮而東至其西九十里

曰肇慶府又西一百九十里曰高州府是為嶺西道

由肇高可以控邕桂踰封川而西至海岸之北八十

里曰廉州府又南二百里曰雷州府是為海北道由

廉可以達交趾踰欽又南一十里海中曰瓊州府是

為海南道外越生俚東南近海其民犴以浮則多颶

風石尤風之暴者為颶颶者貝也貝四方之風也嘗

以五六月癸未至時雞犬皆為不寧南越志

曰颶母風颶將發兆以斷是謂颶母舊志颶風窮  
 晝夜傾廬拔木風雨交集則苗稼少傷有風無雨則  
 苗稼傷多瀕海尤甚又有石尤風兆與颶西北近嶺  
 母同蓋逆風也如海氣腥亦暴風之兆  
 其民質以悍則多山嵐草瘴南韶二郡迫近山嵐  
 八月有之春曰青草秋曰黃茅高廉則自三月至九  
 月尤盛雷州次之諺曰高竇雷化說着也怕惟善衛  
 生者未詰兵守海因督護舊蹟分為三路東莞南頭  
 嘗感冒則高雷廉州拓林西路揆文教以化邇奮武衛以服遠  
 張弛惟時不愆成憲寔經略之大端也黃佐粵會賦  
 知讀書先考躬教之十有二而舉子業成乃更學古  
 文詞賦嘗撰越都賦以擬左思稍長厭其枝瑣乃芟  
 整之更曰粵會賦辭借也其辭曰百粵之會是為南  
 海仰稽璿璣星紀所在黃鐘協律赤熛流形上燭南  
 斗之精下凝衡嶽之靈左跨荆揚五嶺之重陽表以  
 靈洲黃嶺之山右瞰牂牁溟渤之洪波帶以桂鬱滇

有之川仲黃足星鵠鵠首嶺南若趨若走前  
 有真臘之屬其布猶基焉於後則白雲紫雲海為越  
 管曹幕地湧石門天開跋以羅浮旋房聖室等隘齒  
 萃巖嶽鬱律朱明觀深鐵橋業岌仲芝珍禽往往叢  
 集近郭則會以九曜紫以三江表裏回游奔峭飛宗  
 沉珠拾翠礪硯盪激入極浦而邇迴迷不知其所適  
 於遠則循沈沈以荒極得靜福之寒林接黃連之巨  
 嶠信南戒之疾襟呀峽山而陟韶石撫神臯而挹奧  
 區蓋自赤縣之外於焉重啓堪輿瞻陽光於夜半揭  
 靈景之扶胥始有大章孺亥所不能過林間梗概靡  
 得而書者矣方姬錄之季嬴秦擇肉勁越守險尸尉  
 睢而摧監祿雖大荒之南微風氣則通乎域中道汗  
 而汀道隆而降東井綿聚龍戰函夏季以兆王佗以  
 基霸遇呂雉而自君待漢文而後順絕潼關以立國  
 迄獲嘉而始郡鄧讓貢而漢復炎區景攘而火終運  
 郭馬亂吳盧循覆晉馮歸隋治劉據唐衰至於鏗降  
 真伏雖百世可知也宜其可定為巖邑寔係皇輿之  
 安危然而議者猥言荒裔殊異要緩豈不戾哉自我  
 聖明之適興也淮飛神龍陸翦長鯨薄海內外罔

有不庭左丞稽首遂合三城千雉弘麗五葦飛驚增  
 拓黃圖延納丹溟婉周法而剗元歲陋囂騰之所經  
 營於是登望則綴珠崖巨銅柱跨龍編揮鱗渚北神  
 燕薊吳鉤楚距萬里帆檣蠻烟蛋雨胡賈鼎來所居  
 成聚斷虹北颺戩船峇嶼其氣候之不齊或瞬息而  
 備寒暑然而論徙寔繁華風日萬霜雪時降民不告  
 憊允矣樂國四方所屆冥泉貨之淵藪夷夏之都會  
 也內則閭閻撲地長衢廣陌關關七門溝瀆六脉節  
 列市廛墜分貿易連蓋結駟埃塹相射莫不效陶頓  
 僕翁伯卑張里基濁質囊橐孔銑鍊仍溢犬馬蹴  
 紅腐縉纒朽赤仄執牙籤以夜籌向什一而今千百  
 山澤之沃鍾為土毛禾稻綺錯秬穉穉釋滕埒交經  
 枕海連阜秋成豐蔚富侈相高賽社祈年或沉酒而  
 日豪其布帛則琴枝吉貝機杼精工百卉千華凌亂  
 殷紅蕉苧雲浮綉繡水空踈綺繭暑密斜弭風其材  
 不則椽楠松稷楓樟杉榆檉柘穀柁榕檫椿檉合抱  
 隱岑千仞排虛剛柔性異貞脆質殊甲高沃瘠各隨  
 所如其香藥則沉檀安息白膠青木馬牙雞舌龍腦  
 天竺卷柏茯苓青精黃獨宜男益母有繁其屬其果  
 則盧橘楊梅黃蕉丹荔柑橙九金櫛柚抽幄翠撤攬餘

其五斂千歲人面薦仁旨濛醞水其疏則金莖玉蕊  
 香茵紫芝杞吠靈犀羊眩躡鷓鴣樹茄笱薤紅葩綠粲  
 插薦盈園搖芳映畦至於雞豕散野牛馬量谷家積  
 登椒戶映藤竹魚鹽漆蠟其集如簇豢術廣於齊民  
 之篇植品麥於桐君之錄矧又火伏孽鳧海緬懷珠  
 山嶽水封鑿礦攻瑜據險角力歲問莫居賈身徇財  
 卒謚為愚島舶之來有粲其寶錯鍊鎮劔璠璣瑾璵  
 幾珙瑟瑟瑁瑪瑙玻黎珊瑚瑠璃車渠木難火齊  
 陽燧方諸龜筒鶴頂犀角象齒瑠璃日耀鴉鷲霞綺  
 流黃空青縹碧紫英其晉如雲其曠如星蓋廣南之  
 富傳自古昔苟非上失其道則亦無到於拍瘡故其  
 民莫不因歲時事嬉嬉蒲澗越井弔古探竒騰吹峻  
 坂弭蓋清漪邀遨頭以借樂導雙旌而前馳亦有俠  
 客疇人五豪七貴榆魚鬪雞攤錢角抵六簿五白絃  
 管流沸爰長騁以遐眺把自然之神麗循東溪陟北  
 岡度越橋至珠江刺桐木榿含榮吐芳素馨茉莉  
 旒芬香椰漿醉客角以檳榔竹枝金縷翠翹鳴璫擁  
 空馥之娥眉萃蘊醴之衣裳蓋處沃立而淫惜民之  
 常也方和樂而謳吟世之昌也使歌喬木之南有戒  
 蟋蟀之太康則雖好樂又奚傷焉蓋亦覽霸迹以自

明乎昔尉佗之在秦也力攻毒痛血民于牙咸陽在  
 崩萬萬萬蠻擊於是乘黃屋而自王擄朱垠以為家乃  
 據秦府庫殺其長吏營宮建室自真神噐器門曲樹  
 抵鄂弘閔虹梁纒連雲構林植既崔嵬以宏璉又寧  
 豁而員負左燾以朝箕踞魁結爰立相臣御史中尉  
 將軍郎吏盜竊秦制閣道園闕高薨甲第上崢嶸而  
 瑤瑤下金騰而繪績避暑離宮不知其幾汔莫能名  
 其一二焉猝遇陸生築臺朝漢蒸土切厓揭孽隆研  
 帶霓承雲立其楨連岫複坂環其畔視奔星之俯馳  
 杞流泉之滂泝國終殄于慘女崩餘基之患漫民生  
 其時亦孔之悲工役不怠肉刑且施辟張羅以絕飛  
 走又為射虎而毆之漢唐休養施于五季兵纏紫微  
 蠶及丹裔劉龔僭據業成先世身為蛟蜃恣厥吞噬  
 乃自謂膺乾符執坤樞熙鴻名恢駿圖鑿翠闕郭綉  
 瀛作都雙闕傲道九軌經途門千戶萬宿衛周廬備  
 乾和之寶殿瀾太紫之規摹抗應龍於闕闔耀玉題  
 與金鋪梁恩泗泐以逾邇灑井狎獵以紛敷後宮則  
 有禹餘太一景福龍應玉清思玄南宮定聖南薰別  
 殿比接明光椒鶴貫魚玄服靚裝溫室甲帳未卷迴  
 廊飾華棟以懸黎綠繡栴以壁璫苑囿則有昌華芳

華甘泉望春飛橋跨沼崇桃映津泛杯濯足翼翼  
 鱗離宮開館亘五十里呼鸞載道引以蘭綺蒼蚪御  
 綏白澤衛帟時升中於圓丘或耕籍于東鄣復通鄰  
 而耀武啓封疆而自喜左三湘而右八桂控責禺而  
 役交趾又有玉液之池明月之峽含珠之亭紫雲之  
 閣桀壁對峙沈泉旁達脩篁灌木青翠相發風露披  
 青於簪薈口月投光於巖岵躐各勝而建浮屠宮丁  
 四周者二十有八叶列宿之景曜金磬鏜而互答  
 遵彼北川迄于西城層軒疊閣建鼓揚舳宮娥競渡  
 貂璫練兵招羽人于藥洲陳不死之丹經又有三事  
 六官府署司院蘭臺石室濟濟儒彥虎鵬開幕關戟  
 峩弁張郵列庫征推充羨金稜供御紅雲設宴蟾姬  
 瓊僊握爵在憲學士自宮以求進才人調譁而相見  
 乃設水徵劔樹刀山槐棘之貴就僂猶管雲燄徹於  
 黃壚醒德通乎玄間民亦何辜罹此凶艱蒙狄方輿  
 宋社將屋識符四廣厄鍾百六鑿輿符于壓門竟膠  
 舟而不復百萬王師盡化為魚貞后忠臣之氣恒  
 慘而不舒然天厭其羶神運之謀脫揚王於潰伍肇  
 無疆之聖休則夫經慈元之殿陞瞻未福之陵丘徵  
 天道之終勝而奚必詠秀麥之油油嗟我黔首羈縻

於虜日為苛政所芟夷豈徒猛於虎而已哉乃哀額  
 于旻穹而欣戴聖祖皇矣聖祖德而合泰清命彼  
 征南掃北櫟槍風丘月窟坎塞來庭照幽滯以天光  
 振潛蟄以仁聲故雖百粵之遐邇仰人文而化成  
 列聖丕承蕩蕩涵育三辰受無四靈在畜道胡不臻  
 化胡不穆天地無為鼓其化者橐籥神功不宰分其  
 治者岳牧是以簡賢哲之彩彩用班布乎南服乃建  
 為三驄馬行臺以察以監十府七州唯塗郡閣縣踰  
 六十犬牙間錯駢駢序序泮宮俱作衛所戎行督  
 理而臨巨壑於是宣天燹恤民桐播芳馭息器風開  
 展才表正景從思齊處默抗迹敬宗使茂德流於有  
 截而芳訊垂于無窮函氣之屬聲教漸浹雖推理之  
 維游俠之客奇衰之酋侏儻之域莫不革面而澡心  
 沐浴於皇澤是以邊鄙不聳海波不揚男勤稼穡  
 女務蠶桑黃耆台背遊戲康莊耳不聞乎枹鼓民  
 睹乎牙璋歌禾塵之既登談總石之為祥今日之民  
 可謂康矣春王初吉置酒交會聚駒冠服鏗鏘劍佩  
 元夕冶遊鰲銓絳天士女如雲寶馬瑶軒清明簪柳

椒漿酌墓端午酌蒲錦標競渡中秋重陽泛芋題糕  
 亦既醉止其樂陶陶春秋社蜡推牛醞酒飲以兕觥  
 有濡其首卒歲大雉伐鼓鳴葭候子萬壺把首誰譚  
 左斲懸魁右殪委蛇宸網為之踟躕况黃丈與赤蝦  
 迄守歲而迎春俗靡愛乎紛奢觴茅柴而羨谷董亦  
 何恤其無家循河南岸市比如櫛齒革果布壇鑄鬚  
 漆藤竹諸器巧逾天出烟雲連騎羅綺盈室殊方異  
 類豪華舉森集登山取材則柯株攢霧篠篔簹封塵花梨  
 蒲蕙積蕪棘薪煮海為鹽則雪濤漂緝炎飀烹素神  
 液磊砢甘鹵布濩至於狎狗堆璨豨鰓紛披握椒片  
 糖天下所資每易致而輕視或塵泥而棄之今日之  
 民可謂庶且富矣且夫世方倣擾則龍蛇起陸夷羊  
 在野山呈古劒海出丹馬今也青雲干呂靈旂順經  
 和颺甘澍疢癘不興不童不涸不騫不騰嶽祗隕社  
 川石效禎城墀隍社群公先正春秋秩其祀事莫不  
 流盼蟹而飲德馨然則山川鬼神可謂寧矣東北  
 多山獸走鳥翔鳥則鷓鴣山胡鷓鴣鷓鴣鷓鴣繡質  
 鷓鴣綬章白鷓鴣縞衣金鷓鴣黃裳晨風鷓鴣鷓鴣  
 爰居遼煖賓馬避涼鸚鵡以言而畏斂孔翠因羽而  
 懼戕映明壑而迴翫戀赤霄以悠揚獸則麀鹿麀麀







廣州府圖經

廣州府本古南海疆理周末屬楚

裴淵廣州記六國時廣州屬楚南海

人高周為楚威王相五羊

蜀穀萃於楚庭故廣州廳

也秦為南海郡治番禺

文獻通考南海郡今南海始

晉康開陽新興銅陵臨封臨賀感義連城高涼懷德

潮陽等郡按舊志謂秦南海郡領縣十八正指此數

郡今考秦縣惟番禺龍川見於史而十八縣內無之

蓋文獻通考據今郡以見古郡所在乃謬謂為秦縣

爾始興今南雄韶州二府義寧新會縣海豐今屬惠

州府恩平南陵高要晉康開陽新興銅陵臨封今俱

屬肇慶府臨賀今廣西平樂府賀縣感義連城今屬

廣西梧州府高涼懷德今屬高州府潮陽今屬潮州

府後尉佗僭據徙都南武漢平南粵復為南海郡屬

交趾部刺史建安八年改為交州十五年徙交州刺

史治南海吳又遷交州治龍編而於此置廣州領三

郡南海蒼梧廣州得名始此俄復舊永安七年復置廣

州領郡七始領四郡南海蒼梧鬱林高涼後增三郡

南寧府廣州孫皓時分鬱林置桂林郡今屬廣西晉

太康元年平吳華郡一興以荆州三郡來屬永嘉初

又革之始安始興臨賀永嘉元年以三郡自大興至

義熙增郡八凡領十有四郡涼寧海蒼梧鬱林桂林高

新寧永平新安義安新會○所增郡八元帝大興元

年分鬱林立晉興郡今廣西南寧府○成帝咸和六

新寧永平三郡晉康新寧見前永平今廣西梧州府

哀帝置新安郡即高興合浦二郡也今廢入高廉二

府安帝義熙九年分東官立義安郡今潮州府恭帝

元熙二年分南海立新會郡今為縣南朝宋華郡一新安廢增郡五允領十有八郡南海蒼梧鬱林桂林高涼寧浦晉興東海昌宋熙樂昌○所增郡五元嘉九年分高涼立宋康郡今化州及廉州府十三年分南海之四會立續建郡今懷集四會縣十六年分新會立海昌郡今高州府電白縣十八年以交州流寓置郡于高要曰宋熙亦曰宋隆又分始興郡之近南海者為樂昌郡今屬廣州三縣立宋建郡屬廣州後又分臨賀始興始安三郡化宋昌三縣立宋建郡屬廣州後又分臨賀之開建武齊復增郡五凡領二十有三郡南海東官義安新會海新寧永平高涼宋康鬱林桂林晉興寧浦宋隆廣熙齊樂齊康齊建齊熙○所增郡五改宋熙為宋隆分寧浦置齊康郡今陽江縣分晉康置廣熙郡今龍水縣分今連州分桂林置齊熙縣今廣西柳州府融縣梁析置十有二州天監六年郡今廣西柳州府融縣

州置衡州後改為東衡州領齊樂郡又以桂林永平置桂州普通四年以蒼梧晉康置成州以鬱林寧浦晉興置南定州以齊康置合州後改為南合州以廣熙齊建置建州又以義安置東揚州高涼宋康海昌置高州新寧置新州齊熙置東寧州宋熙置龍州又分東官之海安置黃州凡十二州革郡十有八州惟存五郡南海東官新後增郡一高凡領六郡於州置督府陳因之後又增郡一清凡領七郡隋開皇十年平陳析置三州以新會為岡州分南海廢始興郡入焉置廣州總管治大庾二十年徙治南海又廢涇州入焉仁壽元年改曰番州避太子大業元年復為南海又廢岡州及東官綏建樂昌清遠四郡入焉凡領縣十有五南海曲江始興翁源增城寶安樂昌四會化蒙清遠浹涇政賓懷集新會

義唐復置廣州總管府陸大都督府屬嶺南道天寶

初改州為南海郡乾元初復為廣州唐末置清海軍

節度領縣十有三五季時為南漢僭都南海番禺增城四會化蒙

懷集泮水東筦清遠浚滙陽新會義寧武德四年以新會義寧置岡州新會郡以始興曲江樂昌翁

源置韶州始興郡四會化蒙置南綏州以政實入宋

清遠至德二年改實安曰東筦又分懷集為泮水宋

為廣州清海軍大觀初陞為帥府領縣九南海番禺增城懷集

清遠東筦四縣信安開寶四年改浚滙曰浚光屬連州五年以義寧入新會以泮水入懷集以化蒙入

四會後又分新會之義寧改曰信安浚陽在南漢時已屬英州熙寧六年以四會屬端州南渡後

領縣八南海縣番禺縣東筦縣增城縣清遠縣懷集縣新會縣香山縣○紹興二十二年分東筦

為香山信安復革入祥興初改翔龍府元置廣州路

新會又革入新興

總管府設錄事司治南海屬廣東道宣慰使司領縣

七南海番禺東筦增城清遠新會香山○洪武初改

廣州府東至惠州博羅縣界二百二十里西至肇慶

十里北至韶州府英德縣界五百五十里自府治至

南京四千二百九十里至京師八千八百三十五里

領州一縣一十有四其山白雲其水鬱水附郭曰南

海縣本秦南海郡番禺地隋分置南海縣為番禺治

初併咸寧常康俱入南海元仍舊城西有石門之山

本朝因之編戶三百五十一里

其西南有三江口水經溫水出祥柯夜郎縣東至鬱

南過蒼梧荔浦縣又南至廣信縣入于鬱封水出臨

賀郡馮乘縣西牛屯山西南流入廣信縣南流注于

鬱水此蓋三江水所會番禺縣秦沿縣為南海郡治因

之地謂之三江口

番禺縣

秦

沿縣為南海郡治因

以後皆因之劉宋折置熙安懷化二縣隋初廢入番禺唐屬廣州宋初併番禺入南海皇祐中復置元仍舊本朝因之編城有粵秀之山越井在焉通典

王山在北城南八十里而近曰順德縣本隋南海縣地唐以後皆

因之本朝嘉靖折南海高要置此縣編戶五十有一里有堯山其下涯水合翁

水匯焉西北二百十六里曰三水縣本梁南海高要縣地唐以後皆

南流右合翁水又東南流左合陶水東出堯山西逕縣北右注涯水為西江故名三水陶水今訛為沱水翁水即翁溪

皆合于湏水東北三百四十二里曰從化縣本秦番禺縣因之晉折置懷化縣本朝弘治元年折

漢吳因之晉折置懷化縣本朝弘治元年折有北

番禺縣治橫潭後徙于寧樂編戶十有八里

山流溪之水出焉東南二百五十里曰東莞縣本番

晉成帝始置寶安縣屬東官郡隋初省郡以縣隸廣州唐至德初改為東莞縣宋初省入增城縣季復置之元仍舊本朝因有鳳臺之山媚珠之池東一百九

十里曰增城縣本秦番禺縣地漢末折置此縣屬南

縣屬廣州唐宋仍舊本朝增江之水出焉南流入

因之編戶一百八十三里

于海東二百十里曰龍門縣本漢增城博羅二縣地

析置編戶有溫泉源于石南一百五十里曰香山縣

十六里本唐廣州東莞香山鎮以香爐山得名宋紹興未陞

為縣仍割番禺新會三縣瀕海之地益焉元仍舊

本朝因之編戶三十六里有山對峙如臺曰南北臺其外大海是

環接于牂牁曰石岐海其中海西南二百三十里曰

新會縣 本漢南海郡地東晉分置新會郡縣隋郡廢

復以新會新寧二縣置岡州開元中州廢以縣隸廣州宋元仍舊本朝因之編戶二百三十八里

奇石屹立海中相對如門曰厓門之山 宋祥興中北

二百三十里曰新寧縣 本隋新會縣地唐以後因之

六十南為塞門之海 是多魚鹽之利番舶往來之衝也

里曰清遠縣 本漢南海郡中宿縣地吳晉並隸始興

屬廣州仍以故中宿縣為政賓縣唐初以政賓縣省入清遠宋元仍舊本朝因之編戶一十七里

峽山中宿福地在焉其陽有古禹之宮飛來之宇

水經流其下 湏水與武水合為南江 西北五百六十里曰連州

本秦長沙郡南境之地漢為桂陽縣屬桂陽郡吳屬始興郡劉宋屬廣興郡齊復始興梁分置陽山郡治

桂陽隋廢郡置連州大業初改熙平郡唐為連州天

寶初改連山郡乾元初復為連州路隸湖南道大德

中降路為州隸英德路本朝洪武初省十有靜福

四年復置隸廣州府編戶一十七里領縣二有靜福

之山仙靈宅焉湟水經湓口合湏水東南入于海東

北二百里曰陽山縣 本漢舊縣屬桂陽郡東晉省入

陽山郡隋屬熙平郡唐屬連州元屬桂陽州本朝初因之洪武三年省桂陽州以縣屬韶州府十四年

改屬連州 陽溪之水出焉西二百九十里曰連山縣

編戶六里 本漢桂陽縣地梁分置廣德縣屬山陽郡隋改曰廣

澤仁壽初改曰連山隸熙平郡唐宋元並隸連州

本朝初因之洪武二年屬韶州府尋省縣有長逕之

入陽山十四年復置屬連州編戶二里

山雙溪之水自西南合眾流入于湟水 山海經以湓

廣曰湓水出 大氏廣之阨塞皆在西北故秦置二關

於湟谿陽山其東南軒谿肄水出焉

肄水出曲江西南過湟陽與桂

水合故於水口置湟浦關

水經註關在中宿縣湟水出關右一名湟水合肄水

謂之湟口後避諱改為洸口漢將軍路博德下湟水揚僕下湟水度三關以破南越

三關失險

敵至石門雖欲東浮黃木

南漢嘗建天華宮于羅浮以避宋師西泛紫

水罔攸濟已

紫水新會縣宋亡于崖山

其形勢則負山帶海博敞

彌目中環大江水陸會同

水經註漢末刺史步騭到南海見土地形勢觀尉佗

舊治處負山帶海博敞彌目高則乘土下則沃衍林

類不可勝紀位于離故叵燠瀕于海故多風地勢使然也

陽德之盛鍾為人文蜚英騰茂甲於他州然山深

海鉅民性輕剽順德以東潢池弗靖清遠以北戎伏于

莽昔聞繁富今則凋瘵史稱番禺為一都會而島夷

南金珠璣果布之湊亦曰淺娥趨矣豈士習惰窳之

所致與將教化漸靡而不可反與

黃佐廣州牧箴平

羅浮南海雄帶我邦謫徙自昔華風日震蕉荔之墟

弦誦莘莘商夷揉居厥富惟珍化器晴窳在牧一人

故正教者惟準直曲者惟繩牧天所施民地是承鍾

離作守姦宄自懲敬宗在位瘴癘不興風氣尚可易

野心亦可革爾公爾庶執不為則毋速爾欲毋近爾

慮操持爾心如大敵斯禦盧龍倡孽屢默失據牧臣

司廣以告執御



韶州府圖經

韶州府本秦南海郡地漢平南粵置曲江澧陽滄涯  
 三縣隸桂陽郡統於荊州三國吳分置始興郡治曲  
 江統縣七曲江始興桂陽滄晉永嘉初改屬湘州咸  
 和三年復屬荊州南朝宋元徽四年改廣興公相封  
興郡公者則齊復為始興郡隸廣州梁天監初置衡  
用郡守為相州于滄涯置陽山郡于澧陽普通元年改東衡州徙  
 治始興縣始興郡屬焉尋廢陳大建初復置東衡州  
 隋開皇九年平陳廢陽山郡改東衡州曰涯州尋廢  
 為滄涯縣又廢始興郡為縣以其地屬廣州唐置韶

州治曲江領縣四始興貞觀初屬嶺南道光宅

分始興縣置天寶初改為始興郡後復為韶州五季時

南漢分置雄州梁乾化元年虔州防禦使盧光稠以

年取韶州劉晟乾和四年分韶之始宋仍置韶州領

興澧昌二縣置雄州即今南雄府

縣四曲江翁源英州領縣二滄光屬廣南東路元置

韶州路洪武初改韶州府東至南雄始興縣界一百

縣界四百五十里南至廣州府清遠縣界三百七十

里北至湖廣郴州桂陽縣界二百二十里自府治至

南京三千五百九十五里領縣六其山韶石其水肄水

附郭曰曲江縣漢置曲江以東連曲江紅岡也後因其

始興郡治隋廢郡以縣屬南海郡又廢澧陽縣入焉

唐於縣置番州貞觀初改韶州又以臨瀧良化仁縣



省入宋元仍舊國朝東北有玉山武水桂水出焉

武水南流合于湏水是為曲江桂水東流與武水合

西北八十里曰樂昌本漢曲江縣地梁置梁化縣又分

入梁化尋改曰樂昌屬番州唐宋元俱屬韶州三龍之水出焉南

流合于武水瀧口西岸有任將軍城東北八十里曰

仁化縣本曲江縣地唐垂拱中置仁化縣屬廣州後屬韶

州宋初省入樂昌縣咸平中復置元仍舊本朝

因之編戶五里有錦石巖會湏之水出焉會湏水出仁化鄉

合湏水入于西一百里曰乳源縣本曲江樂昌二縣地

海故曰會湏道不通水道遂於州頭津置乳源臘嶺在焉東南九十

里曰翁源縣本漢桂陽郡湏陽縣地梁置翁源縣陳又

置陳遠郡隋廢郡以縣屬廣州唐屬韶州

德路一年分置建福縣俄復舊元有翁山焉壁立千

仞靈池之水出于其巔八泉之所會也南流與湏水

合入于海一名翁水南二百二十里曰英德縣秦為南海

郡地漢置湏陽縣屬桂陽郡隋省入曲江縣唐初置湏州領浚湏

仍舊慶元初陞英德府元改為路本英山之產是多

奇石有碧落之洞是多石乳湏水出其陽流為羅溪

合湏水經峽山春惟韶據廣上流北嶺峭險南谷平

夏汎溢不可以過易乃楚越之襟喉也氣候近衡岳而稍寒隆冬降雪

則歲大有人物之盛莫過開元迄宋鴻儒相繼昔人

謂中州清淑之氣至郴而止豈其然乎

南雄府 府安南西江至此 長云每縣三巡



縣九里村二百里 東至贛州府信豐縣界二百四十里 東南到贛州信豐

府州贛西江至南 西四百里

南雄府 西此至江西大東 里十一百一縣使大



縣界二百五十里 西至韶州府曲江縣界一百八十里 西南到翁源縣九

里總川四百里 龍南縣界三百里

南雄府圖經

南雄府本秦南海郡地漢蕪屬桂陽郡三國吳置始興郡治曲江此地屬焉南朝宋屬廣興郡齊復屬始興郡隋屬廣州唐初屬韶州南漢置雄州宋為南雄州屬廣南東路以河北亦有雄州因加南以別之宣和中改保昌郡元置南雄路洪武初改南雄府東至江西贛州府信豐縣界二百四十里西至韶州府曲江縣界一百四十里南至安府大庾縣界百十里南縣界三百里北至江西南安府大庾縣界百十里自府治至南京三千三百里至京師六千七百四十五里領縣二其山大庾其水滇江附郭曰保昌縣本晉始興縣地屬始興郡隋屬廣州唐屬韶州光宅初割置滇昌縣南漢以縣置雄州宋改保昌縣為南雄州治元仍舊本朝因之編戶四十四里凌江之

水出焉合昌水至城西與滇江合南流入于海西一

百十里曰始興縣本漢南海郡地置斜階縣屬始興郡齊改為正階縣梁更名始興

又分為大庾縣尋廢隋屬廣州唐屬韶州南漢屬雄州宋屬南雄府元仍舊本朝因之編戶七里有

天柱之峯一名鳳山斜階之水出焉西流合滇江入于

海郡當五嶺之首若天之所以限南北者自秦發閭

左之戍故大庾古稱塞上嶺橫浦涯浦二關相望猶


長城也橫浦關在大庾西南三十里故其下謂嶺為塞上迨唐鑿岨通道化

為夷原控帶群蠻襟會百粵其廣之北門乎雖逼於

叢隘瘴癘時作然珠璣客里文風漸染嶺上古有珠幾巷戍守所

居今南海衣冠多其子孫文風漸染自宋以來操翰墨以取青紫者比比相屬向使保昌裕

於送迎始興安於守禦則衣冠日盛矣提封褊小又  
 奚病焉一郡才領二叢邑提封廣袤僅四百里田  
 三萬有奇未當江南一縣之饒而送迎為南  
 北傳郵惟絙橋權貨一線之利存焉耳始興之  
 坑峽每苦流賊一千戶所不能守禦此其病也



廣東通志卷第一

[The left page of the book is mostly blank, showing signs of age and wear, with some faint markings and a large tear near the top left corner.]

